

FOLLETO MISA CON NENOS



11 de xuño de 2023

CORPUS CHRISTI-A

*XOÁN 6,51-58: "O que come a
miña carne e bebe o meu sangue
habita en min e eu nel".*

Mensaxe: Incorporate a Cristo

Corpus Christi



InCORPORatE a Cristo

1. MONICIÓN DE ENTRADA

Irmáns e irmás: A igrexa celebra a **fiesta do Corpus Christi, a festa da Eucaristía**. A Eucaristía é a reunión que todo crente necesita cada domingo para unirmos a Cristo, celebrar a fe en comunidade, para alimentala, para crecer en fraternidade e reavivar a nosa esperanza en Xesús, que quedou para sempre connosco.

Pero os que participamos da Cea do Señor debemos tamén compartir cos máis pobres e así construír un mundo máis xusto. Por iso celebramos tamén o día de **Cáritas** co lema **“Ti tes moito que ver. Somos unha oportunidade, unha esperanza”**. Hai moitos invisibles entre nós, e Xesús pídenos que non apartemos a vista e que miremos de fronte aos que nos necesitan, así un día diranos **“tiven fame e déstesme para comer”**.

(Colocamos en lugar visible un pan grande e esta inscrición: “Incorpórate a Cristo” ou un cartel co lema da Xornada de Cáritas: “Ti tes moito que ver”).

SAÚDO DO SACERDOTE: No nome do Pai... **O Señor, que se entregou por nós e é o noso alimento, sexa con todos vós.**

2. SÚPLICAS DE PERDÓN

Sacerdote: A Eucaristía é compromiso de entrega e de unidade. Pidamos perdón de todo o que nos separa a uns doutros e de Deus:

- **Catequista:** Ti es o pan que nos dá a vida, pero empeñámonos en buscala onde non sustenta. **Señor, ten piedade de nós.**
- **Neno/nena:** Ti es o pan que se parte e se entrega, pero buscamos máis o éxito e o triunfo. **Cristo, ten piedade de nós.**
- **Pais:** Ti es o pan que se comparte pero nos seduce almacenar e acumular. **Señor, ten piedade de nós .**

Sacerdote: Deus, o noso Pai, teña piedade de nós, perdoe os nosos pecados e lévenos á vida eterna



3. MONICIÓN A LA PALABRA DE DIOS

Hoxe celebramos o gran agasallo da Eucaristía. No libro do Deuteronomio, Moisés, camiño do deserto, recibiu o maná, aquel alimento do ceo para que non perecesen de fame. S. Paulo descríbennos como a eucaristía nos une aos que nos alimentamos do mesmo Corpo de Xesús, facéndonos consanguíneos, familiares, irmáns. S. Xoán no evanxeo convida-nos a comer o pan da eucaristía para que o Señor habite en nós e teñamos a súa propia Vida.



LECTURAS

DEUTERONOMIO 8, 2-3. L4b-l6a: *Alimentareite co maná, que ti non coñecías nin coñeceron os teus pais.*

SALMO 47: R/.

Glorifica ao Señor, Xerusalén.

1ª CORINTIOS 10, 16-17: *O pan é un; nós, sendo moitos, formamos un só corpo.*

Irmáns: O cáliz da bendición que bendicimos, non é comunión do sangue de Cristo? E o pan que partimos, non é comunión do corpo de Cristo? Porque **o pan é un, nós, sendo moitos, formamos un só corpo**, pois todos comemos do mesmo pan.

Palabra do Señor.

XOÁN 6,51-58: *A miña carne é verdadeira comida, e o meu sangue é verdadeira bebida.*

Narrador: Naquel tempo díxolles Xesús aos xudeus:

Xesús: -«*Eu son o pan vivo que baixou do ceo; o que coma deste pan vivirá para sempre. E o pan que eu darei é a miña carne pola vida do mundo*».

Narrador: Disputaban os xudeus entre si:

Xudeus: -«*Como pode este darnos a comer a súa carne?*».

Narrador: Entón Xesús díxolles:

Xesús: -«*En verdade, en verdade dígovos: se non comedes a carne do Fillo do home e non bebedes o seu sangue, non tedes vida en vós. O que come a miña carne e bebe o meu sangue ten vida eterna, e eu resucitareino no último día.*

A miña carne é verdadeira comida, e o meu sangue é verdadeira bebida.

O que come a miña carne e bebe o meu sangue habita en min e eu nel.

Como o Pai que vive envioume, e eu vivo polo Pai, así, do mesmo xeito, o que me come vivirá por min.

Este é o pan que baixou do ceo: non como o dos vosos pais, que o comeron e morreron; o que come este pan vivirá para sempre».

Palabra do Señor.

(Narrador-Xesús-Xudeus).

4. ORACIÓN DOS FIEIS

Sacerdote: Ao Señor que nos alimenta cada domingo na Eucaristía dicímoslle:

- Dáanos, Señor, o Pan de Vida.

- 1.- Pola Igrexa, para que nos axude a coñecer, valorar e celebrar en familia a Eucaristía dominical. **Oremos.**
- 2.- Para que escoitemos con atención a Palabra de Deus, que é a luz das nosas vidas. **Oremos.**
- 3.- Para que participemos na misa cantando, orando, comungando. **Oremos.**
- 4.- Para que a Eucaristía nos una a Xesús e cre entre nós lazos de unión. **Oremos.**
- 5.- Para que os que aquí comemos na mesma mesa compartamos tamén as nosas cousas cos invisibles da nosa sociedade. **Oremos.**
- 6.- Polo grupo de Cáritas e por todos os que traballan ao servizo dos pobres e necesitados. **Oremos.**
- 7.- Polos nenos e nenas que se preparan para a "primeira comunión", para que esa "primeira" comunión non sexa a última, nin sexa demasiado distanciada a súa participación na comunidade. **Oremos.**
- 8.- Para que as nosas comunidades sexan espazos de encontro, de xenerosidade, de caridade e acollida aos que entran polas súas portas. **Oremos.**
- 9.- Polos nenos e nenas que estes día reciben a Primeira Comunión para que valoren a Eucaristía e participen cada domingo coa súa familia na reunión dos cristiáns. **Oremos.**

Sacerdote: Acolle, Señor, a nosa oración e que Xesús nos axude na entrega e no servizo. Que vive e reina polos séculos dos séculos. Amén.

6. PROCESIÓN DE OFRENDAS



- PAN GRANDE:

Señor, hoxe queremos ofrecerche este pan que tantas veces comemos xuntos compartindo a nosa vida, a alegrías e tamén as dificultades. Que os que comemos o pan da eucaristía cada domingo vivamos unidos e aprendamos a partir e compartir con todos.

- COLECTA DE CÁRITAS:

Cáritas quere crear futuro esperanzador onde non hai un futuro. Cáritas necesita a nosa colaboración económica; convídanos as accións de voluntariado, e tamén a botar unha mirada ao redor para descubrir quen é o último e interesarse por el. Grazas pola vosa xenerosidade.

- PAN E VIÑO:

O pan e o viño converteranse no corpo e o sangue de Xesús. A Eucaristía únenos a Xesús e Deus habita en nós. Vivamos sempre unidos a Xesús, crezamos na súa amizade.

7. COLECTA DE CÁRITAS (posibilidade...)

Ofrecemos ao Señor a colecta de Cáritas. Ao celebrar o día da festa do Corpo de Cristo entregado por nós e do Sangue vertido por nós, Cristo puxo aos pobres en primeira fila para que os fagamos visibles, recoñezámolo a El no rostro do necesitado sentindo como propia a dor allea.

8. ACCIÓN DE GRAZAS ANTE O SANTÍSIMO

Aconséllase prolongar o momento da comunión. Faremos unha pequena exposición do Santísimo despois da comunión xa sexa co copón aberto despois de dar a comunión ou coa custodia. Trátase de subliñar a presenza real de Cristo na Eucaristía. Basta unha monición explicando o momento, un momento de silencio cun canto eucarístico e a oración de Acción de grazas “Comungar é”.

- **Monición:** Imos agora a prolongar un pouco a comunión adorando ao Señor. Trátase dun momento de oración dando grazas a Xesús eucaristía por quedar connosco e ser o noso alimento. Grazas, Xesús pola túa presenza real na eucaristía. escoitamos en silencio este canto:

- **Logo recitamos xuntos:**

Comulgar é descubrir que a Eucaristía é o teu Corpo, Señor.

Comulgar, Señor, é o misterio do teu Amor.

Comulgar é, Señor, volver sentir as túas palabras: “O que come a miña carne e bebe o meu sangue habita en min e eu nel”.



Comulgar é caer na conta de que o teu Corpo, Señor, foinos entregado, regalado por puro e xeneroso Amor.

Comulgar, Señor, é unirnos ao teu Corpo Crucificado.

Comulgar é entrar, Señor, no misterio do teu Corpo Encarnado.

Comulgar é sentir, Señor, que a Igrexa é o teu Corpo Místico, o teu Corpo apaixonado e comunitario.

Comulgar é incorporarme a ti, Señor, para servirte no empobrecido.

Comulgar é descubrir o teu Corpo, Señor, no pobre: no famento, no que pasa sede, no que está espido.

Comulgar é, Señor experimentar o teu Amor, a túa presenza, a túa forza, a túa amizade.

6.- ORACIÓN DE GRAZAS

Xesús, Pan feito regalo

Aínda que hoxe non tivese agasallos, Xesús, - estaría contento contigo pois me regalaches o teu amor - e quixeches chamarme o teu amigo.

Ti deches a túa vida por min - e, escondido no pan e no viño, quixeches quedar comigo.

Que grande é o teu amor cara a min - pois me queres ter como amigo! Eu dígoche, Señor, que te quero - como quere un amigo a outro amigo.

Que feliz de sentarme á túa mesa -e sentir que son un contigo! Sempre quero seguirte, Señor, - quero sempre seguir os teus camiños e sentir na miña man a túa man de amigo.

Non me deixes, Xesús, bo amigo, - e se algún día, Señor, eu te esquezo, búscame, Bo Pastor, - e cargado nos teus ombreiros lévame contigo, o meu amigo divino.

**FELIZ DOMINGO DO
CORPUS**